

天道無親常與善人

御注曰善則與之何親之有

碧虛子陳景元曰夫天道無所私唯善人是與是謂天網恢恢疎而不失是以上善之人自然符會何用司契而責於人哉

我以為太古之風也

魏漢無輒曰契之無私亦猶是也惟合者則得之矣

道真仁靜先生曹道冲曰非親而與之而善人自與福契此天道也

清源子劉驥曰契之無私亦猶是也惟合者得之

黃茂材曰天無私親善則與之為善者非特無求於人亦無

道藏輯要

道德真經 彭鶴林集註

卷

心集八

求於天待其自至而已

小國寡民章第八十

小國寡民

御注曰廣土眾民則事不勝應智不勝察德自此衰刑自此起後世之亂自此始矣老氏當周之末厭周之亂原道之意寫之於書方且易文勝之弊俗而躋之淳厚之域故以小國寡民為言蓋至德之世自容成氏至於神農十有二君號稱至治者以此而已

碧虛子陳景元曰國小能自守民寡能自足可以返乎太古矣

穎濱蘇轍曰老子生於衰周文勝俗弊將以無爲救之故於其書之終言其所志願得小國寡民以試焉而不可得爾道眞仁靜先生曹道沖曰小國民少而事務亦簡若數口之家衣食粗足無所用心又以小爲大則張大而勞以大爲小則簡靜而佚

葉夢得曰國之不能治以大視之也民之不能安以眾視之也夫孰知有以大爲小以多爲少之道乎是故國大而以大治之民眾而以眾爲之則有終身不能勝者聖人之道無他亦曰小國寡民而已普天之下不爲不廣率土之濱不爲不多而吾未嘗知其廣且多也

道藏輯要

道德眞經  
彭鶴林集註

書

心集八  
卷之八

清源子劉驥曰本在上末在下要在主詳在臣天下雖大其本甚小故言小國百姓雖多其要甚寡故言寡民使民有什伯之器而不用也

穎濱蘇轍曰民各安其分則小有材者不求用於世什伯之器則材堪什夫伯夫之長者也

使民重死而不遠徙

御注曰其生可樂其死可葬故民不輕死而之四方孔子曰上失其道民散久矣遠徙之謂歟

涑水司馬光曰愛生安上

王雱曰樂生遂性故重死安土無求故不遠徙無道之世貧

利欲勝乎好生未勝本衰而貪求在乎分外故觸

死邦小民寡家給事希故樂土而不遷

就其可

雖有舟輿無所乘之雖有甲兵無所陳之

御注曰山無蹊隧澤無舟梁同乎無知其德不離無絕險之  
迹故雖有舟輿無所乘之無攻戰之患故雖有甲兵無所陳  
之

道藏輯要

道德真經 彭鶴林集註

卷

心集八

臨川王安石曰民自足於性分之內則無遠遊交戰之患

道真仁靜先生曹道冲曰水行則用舟陸行則用輿今既樂  
其土不遷弗遠徙而就利民不相往來故無用大國不侵小  
國守土介冑戈矛不戰安用

陳象古曰寡欲易足民共不爭故舟輿可閑甲兵可偃

清源子劉驥曰淡然自守不相往來故雖有舟輿無所乘之  
恬然自足不相紛爭故雖有甲兵無所陳之

程大昌曰難於就死則必樂生故無盜無盜則甲兵為虛設  
安土而無外慕無外慕則不他徙故舟輿為長物也

使民復結繩而用之